

u člana 36. Statuta JP „Tržnica” d.o.o. Zenica, a u vezi sa članom 21.a Zakona o zaštiti ličnih podataka („Sl. Glasnik BiH” br.: 49/06, 76/11 i 89/11) direktorica preduzeća donosi

ODLUKU

o obavljanju video nadzora objekata i imovine JP „Tržnica” d.o.o. Zenica

Član 1.

Ovom odlukom regulišu se pravila obrade ličnih podataka putem video nadzora, način postavljanja i korištenja tehničkih pomagala za video nadzor objekata i imovine preduzeća.

Član 2.

(1) Za nadzor objekata i imovine preduzeća obrađivači su ovlašteni koristiti tehničke uređaje za video nadzor, te primjenjivati i druga tehnička pomagala za snimanje i digitalnu obradu događaja u i oko objekata preduzeća na lokaciji platoa i zgrade Gradske tržnice u Ul. M.Tita br.48, Zenica.

(2) Korisnici usluga preduzeća, zaposleni u preduzeću, kao i sva lica koja dolaze u prostorije preduzeća i na plato gradske pijace, bit će obaviješteni o vršenju video nadzora. Obavještenje će biti postavljeno na ulazu (glavnim ulazima) u krug, na plato i prostorije zgrade preduzeća tako da je vidljivo svim osobama koje koriste krug i prostorije preduzeća po bilo kom osnovu.

(3) Obavještenje je adekvatne veličine na kojem se nalazi slika kamere i jasno vidljiv natpis: „POZOR!-OBJEKAT JE POD VIDEO NADZOROM”. Obavještenje sadrži i podatke o kontaktu putem kojeg se mogu dobiti pojedinosti o video nadzoru.

Član 3.

Svrha postavljanja video nadzora je zaštita objekata, imovine i opreme preduzeća, te sigurnosti ljudi.

Član 4.

(1) Preduzeće će snimke nastale korištenjem kamere za snimanje pohranjivati na snimaču, obrađivati i koristiti u skladu sa Zakonom o zaštiti ličnih podataka, kao i drugim propisima koji regulišu zaštitu ličnih podataka.

(2) Nastali snimci mogu se kopirati ili drugačije elektronski obrađivati zbog dokazivanja krađe, oštećenja imovine i opreme, ugrožavanja zdravlja i sigurnosti zaposlenih u preduzeću ili korisnika usluga ili lica- građana koji kupuju i nalaze se na pijaci (na platou ili/i u zgradi ili/i u suterenu zgrade Gradske pijace).

Član 5.

(1) Obrada ličnih podataka putem video nadzora vrši se u obliku video zapisa koji sadrži: sliku, datum i vrijeme.

(2) Pravila obrade podataka bit će propisana posebnim aktom (Pravilnikom) koji donosi Direktorica preduzeća.

(3) Video nadzor će se postaviti na adekvatna mjesta, a na temelju organizacijskih i sigurnosnih potreba, te tehničkih mogućnosti.

(4) Mjesta za postavljanje video nadzora definisana su šemom kamera, a koja će se ažurirati u skladu sa potrebama i koja je sastavni dio ove odluke.

Član 6.

(1) Kontrolu, način i vrstu korištenja podataka koji se prikupljaju video nadzorom vršit će radnici preduzeća koje za to ovlasti Direktor preduzeća.

(2) Video zapis se čuva do 30 dana od dana nastanka (u zavisnosti od memorije na hard disku snimača), a nakon čega se isti automatski briše, odnosno, preko kojeg se snima novi snimak.

(3) Pristup video zapisu može se omogućiti policiji ili istražnim organima u slučaju opravdanih (ili/i incidentnih) situacija.

Član 7.

Uslovi korištenja video zapisa u situacijama iz odredbe čl.6.stav (3) ove odluke su:

a.) da se desila incidentna ili/i opravdana situacija vezana za ugrožavanje sigurnosti imovine ili zdravlja i života ljudi;

b.) da je nadležni organ (policijski ili istražni) podnio pismeni zahtjev (nalog) za omogućavanje pristupa video zapisima sa jasno određenim vremenskim razdobljem za koji traži pristup video zapisima;

c.) da u arhivi snimljenog materijala postoji video snimak u traženom razdoblju.

Član 8.

Ova odluka stupa na snagu danom donošenja, a objavit će se na oglasnoj tabli preduzeća, na web stranici preduzeća, te će se o istoj obavijestiti Agencija za zaštitu ličnih podataka radi pribavljanja potrebne saglasnosti.

Dostavljeno:

1. Odjeljenjima preduzeća x4
2. Oglasna tabla preduzeća
3. Web stranica preduzeća
4. Agencija za zaštitu ličnih podataka
5. Arhiva

DIREKTORICA:



Selma Vidimlić

JAVNO PREDUZEĆE
"TRŽNICA" d.o.o.
 Maršala Tita broj 48, ZENICA
 Broj: 3351/21
 Datum: 17.12.2021